



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

LVI. Ein kauffbrief Albrecht vnd Heinrichs, gebrüder, der Warborge, Dorinne sie dem Closter verkauffen 2 mark vnd 4 schillinge Zinse vff Zweien höfen Im Dorff Werbende fur vierunfzwantzik Mark ...

Nutzungsbedingungen

[urn:nbn:de:hbz:466:1-54745](https://nbn-resolving.org/urn:nbn:de:hbz:466:1-54745)

LV. Ein Widerkauffsbrieff Heynrich Warborgs, Dorinne er vorkaufft dem Clofter Himmelforten 3 mark vnd 3 schilling Jerlicher Rente Im Dorff zu Werbende vff Hanfs Warefhagens hof vnd hufen fur 35 mark vinkenogen.

Ick Henrick Warborch, Wanhaftich tzum Dolghin, Bekenne Inn dessenn ghegenworteghenn breue, dat Ik mitt vorbedachtem mude hebbe redelikenn vorkofft dem geftlikenn hern, Hern Gerde, Apte thu der Himmelportenn, vnd sine Conuent dre mark vnd dre schillinge vinkenogen penninge Jarliker renthe Inn dem dorpe thu Werbende vth dem houe vnd vann denn huenn, de nu bewonet Hanfs Warefhaghenn, an allen funte Mertens dagenn vpthoborende vnd vth dem houe thu Pandende, wann sie willen, funder Jengherhande wederfprake vnd hinderis, vnd schollenn sie besittenn mit allem rechte, also se my min vader gheeruett hefft, vnd schall deffer drie mark vnd drier schillinge em eine rechte were sin. Desse vorbenumbdenn penninge hebbenn se my abegekofft vor viff vnd drottich mark vinkenogenn penninge, de se my thu dancke hebbenn betalt. Werett ock, dat Ik edder mine rechtenn eruenn de vorgespokenn dre mark vnd dre schillinge woldenn weder vann em keupenn, so scholenn se my vnd minen rechtenn eruenn se weder vorkoepenn, wann wie willenn, vnd geuenn se vns vor vife vnd druttich mark vinkenogenn penninge edder mitt fulker munte, de do denne ghenge vnd geue Ihs Inn dem Lande thu Stargardt, de schole wie em tu dancke betalenn an einer summe, alsus dann wis: Geue Ik edder mine rechtenn eruenn dem Apte edder sine Conuente de viese vnd drottich mark ann funte Johans Bapstisten dage edder doruor, so schall ick edder mine rechtenn eruenn de vorgespokene dre mark vnd dre schillinge vpbörrn ann funte Mertens dage dorna; gheue Ik edder mine rechtenn eruenn em de penninge an funte Johans dage, so schall de Apt vnd sin Conuenth de dre mark vnd dre schillinge vpbörrn an funthe Mertens dage darna. Dat desse Ding stede vnd vast bliuenn, so hebbe Ick Henrick Warborch, Englike, Albrecht, Henrick vnd Hennigk Warborghe mitt witschop vnse Ingefegell ann dessenn brieff lathenn hengenn, de do gheuenn vnd geschreuenn Ihs na Godefs borth vierteinhundert Jar vnd Inn dem fouendenn Jare, an funte Gorghens dage, defs hiligenn mertelers.

Dass dise obgesatzte Copej mit Irem Rechten Pergamenen Original von mir offlgemeltem Notario Erasmo Seydell Collationiret vnd auscultiret vnd demselben gleichlautend sej, Dass betzeuge Ich mit Diser meiner eigen handschrift.

LVI. Ein kauffbrieff Albrecht vnd Heinrichs, gebrüder, der Warborge, Dorinne sie dem Clofter verkaufen 2 mark vnd 4 schillinge Zinse vff Zweien höfen Im Dorff Werbende fur viervndzwanzik Mark Vinkenogenn u. f. w.

Vor allenn Christenn Ludenn, de dessenn brieff seenn edder horenn lesenn, Bekenne Ick Albrecht vnd Heinrich, bröder, geheitenn Warburghe, Achims kinder, Dat wi hebbenn vorkofft deme geftlikenn hernn, Hernn Gheerde, Apte tho der Himmelportenn, vnd sine Conuente twe mark geldes vnd vier schillinge, Also vier vnd twintich schillinge, vp deme houe vnd huenn, de nu bewonett Peter snar, vnd twelf schillinge vp deme houe vnd hufen, de nu bewonett Harneit Dobelow. Desse vorbenumbdenn penninge hebbenn sie vns auekofft vor vier vnd

twintlich mark vinkenogenn penninge, de se vns alrede woll hebbenn bethalett Vnnd wie vnfen schaden mede hebbenn geweredt. Vnde desse vorbenumbde penninge dy hebbe wie ock vorlathenn dem Abbete, Also datt wy vp dessenn twenn vorbenumdenn höuenn nichtens nicht beholdenn edder Inn all deme dorpe tho Werbende, noch dinft, noch pacht, noch richte, noch kerkenleenn. Ouer dessenn kope vnnd vorlatinghe hefft gewest: Her Henrick Paschedach, ein Ridder, Her Bartolt, perner tho Waskendorp, Englike Warborch, wonhafflich tho Ballin, Henrick Warburch, de do wonett thome Dolghin, vnde völle mer bederuer lude, de da lowenwerdich sin. Tho grotter tuchenisse desser Ding so hebbe ick Albrecht vnnd Henrick vorbenumbdt mit wilenn vnnd mitt witschop vnse Ingefegelle lathenn hengenn an dessenn brieff, de geuenn vnnd schreuen Ifs na Godefs borth virteinhundertt Jarr, Inn deme achtenn Jare, Inn deme dage Fabiani vnnd Sebastiani, der hilgenn mertelere.

Dise Copei ist Collationiret vnnd vorgleicht sich mit Irem Rechten Pergamenen Original allenthalben, Dass bezeuge Ich obgesatzter Notari Erasmus Seydell mit diser meiner eigen Handschrift.

LVII. Ein Consens Hennings vnd seiner brudere, auch Albrechts Warborgs, vber den kauff, Welchen Her Otto vnd Heinrich von Warborgk, gebruder, wegen Ires guts vnd hofes Im Dorff Werbende mit dem Closter vffgericht.

ICK Henningk Warburch, lange Henrikes Warburges sone, bekenne Inn desfeme breue mitt minenn Bruderenn, datt wi vulbordenn denn koep, de dar gescheenn Ifs mitt deme geistlikenn herrn, deme Apte des Closters thu der Hemmelportenn vnnd mitt Hernn Ottenn, vnnd Henrike, sine brudere, de nu wonafflich Ifs thome Dolghin, geheittenn Warburge, vmme ohre gutt, datt se haddenn Inn deme dorpe thu Werbende, vnnd hebbe desf thu tuge min Ingefegell lathenn hengenn an dessenn brieff. Vnnd ick Albrecht Warburch, Otto Warburghes sone, vulborde gentzlikenn denfuluenn koep vnnd hebbe desf thu tuge mein Ingefegell lathenn hengenn an dessen brieff, de gegeuenn vnnd geschreuen Ifs na Godefs borth vierteinhundertt Jar vnnd Im deme neghendenn Jhare.

Dise Copej ist Collationiret vnd vergleicht sich mit Irem Rechten Original allenthalben, dass bezeuge Ich obgenanter Notarius mit diser meiner eigenen handschrift.

LVIII. Ein Widerkauffsbrieffe Engliken, Hanses vnd Ekharts, gebrudere, von Warborg, Dorinne sie Tydeken von Thudenswegen vorkauffen 5 Mark vinkenogen Jerlichs vffhebens Im Dorff Werben, vff etzlich Hufen vnd Hüfen Hirinne benant sur 5 Mark vinkenogen.

Wy Engelke, Hanss vnnde Egghardt, broder, hetenn Warborge, Bekennenn openbar vnd betuenn Inn desfeme breue vor allenn Christenn Ludenn, de ene seenn edder horenn lesenn, datt wie tho likenn warenn houetludenn mitt vnfen eruenn hebbenn vorkofft redelkes vnnd rechtes kopes mitt macht desfes breues deme bescheidenn manne Tidekenn vann Tudenfweghenn, wonhafflich tho Nienn Brandenborch, vnnd sinenn rechtenn eruenn viff mark Jarlikes